

Sango - Ame Mbeti ti Nzapa - Soul Scriptures

Matthieu 11:28-30 I ga na Mbi, i koue so i sala koussala ti ngangou na i yeke na koungba so a ne, na fade Mbi mou na i legue ti ouo tele. 29 I yo joug ti Mbi na i manda ye na ti ti Mbi, teti Mbi yeke na tâ be ti melengue na be ti Mbi a yeke kota pepe, na fade i ouara legue ti ouo âme ti i. 30 Teti joug ti Mbi a yeke ndjoni, na koungba ti Mbi a ne pepe.

Kodjoni 2:7 L'Eternel Nzapa A kamata poupopou-sesse na Lo sala jo. Lo ouo mbo na douhon ti jo, mbo so a mou fini, na jo a ga âme so a yeke na fini.

Kodjoni 34:2,3,8 Sichem melengue ti Hamor, jo ti Hévi, makounzi ti sesse ni, a ba lo. Lo kamata lo, lo bongbi na lo, lo bi kamela na lè ti lo. 3 Ame ti lo a kanga na Dina melengue ti Jacob ti ouali, na lo ndoye pendere ouali so, lo sala tene na lo na ndjobe. 8 Hamor a sala tene na ala, lo tene, Ame ti melengue ti mbi Sichem a ye melengue ti mo ti ouali mingui. Mbi hounda mo, mo mou lo na lo ti ga ouali ti lo.

Namoota 21:4 Ala loundou na Hoto Ti Hor ti goue na legue ti Kota Ngou Bingba, ti ngourou sesse ti Edom; na be ti ajo ni a nze tene ti legue so.

Deutéronome 4:29 Na ndo so ka, fade mo gui L'Eternel Nzapa ti mo, na fade mo ouara Lo tonga na mo gui Lo na be ti mo koue na âme ti mo koue.

aJuge 16:16 Na tonga na Dalila a gui lo la na la na tene so, na lo oua lo mingui, âme ti Samson a nze juska lo ye ti koui.

1 Samuel 18:1 Na tene a si tonga so, tonga na David a sala tene na Saül koueaoue, âme ti Jonathan na âme ti David a ga oko, na Jonathan a ndoye lo legueoko tonga na lo ndoye âme ti lo mveni.

1 aGbia 1:29 Na gbia a de ba, lo tene, L'Eternel A yeke! Lo so A ton âme ti mbi na ya ye ti voundou koue,

2 aGbia 4:27 Tonga na lo si na jo ti Nzapa na hoto, lo gbo guele ti lo. Na Guéhazi a ga ti yourou lo; mais jo ti Nzapa a tene, Djia lo, âme ti lo a soui na ya lo; na L'Eternel A honde ye so na mbi, Lo tene na mbi pepe.

Job 7:11 Tonga so, fade mbi gbandji yanga ti mbi na tene pepe; Mbi sala tene na legue ti voundou ti yingo ti mbi; Fade mbi dema tele na legue ti souingo ti âme ti mbi.

Job 14:22 Lo hinga gui tele ti lo mveni so a so, Na âme ti lo mveni a toto na voundou.

Job 19:2 Fade i ngba ti mou voundou na âme ti mbi juska la gne. Na i fa' mbi ndoulou ndoulou na tene ti yanga ti i juska la gne.

Job 27:2 Nzapa A yeke! Lo so A ke ti fa' mbanga ti mbi mbilimbili, Lo Ti Ngangou Aho Koue A yeke! Lo so A sala si âme ti mbi a soui;

Job 30:25 Jo so ye ti ngangou a sala lo, mbi toto teti lo pepe? Jo so ye a manqué lo mingui, âme ti mbi a yeke na voundou teti lo pepe?

Psaume 6:3,4(4,5) Ame ti mbi a gui mbi mingui; Na Mo, O L'Eternel, juska la

gne.... 4(5) Kiri, O L'Eternel, dji âme ti mbi; Sau mbi teti ndjobe ti Mo.

Psaume 7:1,2(1-3) <Shiggaïon ti David, so lo sala na bia na L'Eternel tene ti Cus, jo ti mara ti Benjamin.> (2) O L'Eternel Nzapa ti mbi, mbi kpe na Mo ti bata tele ti mbi; Sau mbi na ti ti ala koue so a sala ngangou na mbi, Mo djimbi, 2(3) Ouala fade ala sourou mbi legueoko tonga na bamara A fa' ye ndoulou ndoulou, tonga na jo ti sau lo a yeke pepe.

Psaume 17:13 O L'Eternel, Mo loundou, Kanga legue ti lo, bi lo na sesse; Mo sau fini ti mbi na ti ti ajo ti sioni na legue ti épée ti Mo;

Psaume 23:3 Lo kiri ngangou na âme ti mbi; Lo fa na mbi legue ti mbilimbili teti iri ti Lo.

Psaume 25:20 Bata âme ti mbi, na Mo dji mbi; Djia kamela a sala mbi pepe, teti mbi kpe na Mo ti bata tele timbi.

Psaume 33:19 Ti dji âme ti ala na koui, Na ti bata ala na fini na la ti boma.

Psaume 34:22(23) L'Eternel A ton' âme ti aboy ti Lo; Na fade mbanga a ti na li ti jo oko pepe so a kpe na Lo tibata tele ti lo.

Psaume 35:12,13 Ala kiri siroye na mbi na place ti ndjoye, Si voundou a ga na âme ti mbi. 13 Mais mbi, tonga na ala yeke na kobela, mbi you bongo ti moua; Mbi gbandji âme ti mbi na legue ti djangoko-kobe, Mbi sambela, na li ti mbi a zokou na libe ti mbi.

Psaume 41:4(5) Mbi tene, O L'Eternel, sala be-ndjoni na mbi, Sala si âme ti mbi a ga ndjoni, teti mbi sala siokpari ti ke Mo.

Psaume 42:5(6),11(12) Ame ti mbi, teti gne mo ne nengo. Teti gne mo douti ndjoni na ya mbi pepe. Mo kou gui Nzapa, teti fade mbi kiri mbi sepala Lo mbeni. Lo yeke Salut ti mbi na Nzapa ti mbi. 11(12) O âme ti mbi, teti gne mo ne nengo. Teti gne mo douti ndjoni na ya mbi pepe. Mo kou gui Nzapa, teti fade mbi kiri mbi sepala Lo mbeni, Lo yeke Salut ti mbi na Nzapa ti mbi. (Psaume 42:6(7),11(12); 43:5)

Psaume 56:13(14) Teti Mo dji âme ti mbi na ti ti koui; A yeke Mo so Mo bata guele ti mbi si mbi ti pepe, Si mbi lingbi tambela na gbele Nzapa Na ya lumière ti ajo ti fini.

Psaume 69:10(11) Tonga na mbi gbandji tele ti mbi na kobe si voundou a sala beti mbi, So a ga ye ti zonga na tele ti mbi.

Psaume 69:18(19) Ga ndoulou na âme ti mbi, Mo ton' âme ti mbi! Ton' mbi na ti ti aouato ti mbi.

Psaume 86:13 Teti ndjobe ti Mo a yeke kota teti mbi; Mo dji âme ti mbi aoue na nda ti ndo-ti-aouakinda.

Psaume 97:10 O, i so i ndoye L'Eternel, I ke siroye! Lo bata âme ti ajo ti ndjobe, Lo dji ala na ti ti ajo ti sioni.

Psaume 107:9 Teti Lo mou ye na jo alingbi na nzala ti âme ti lo, Na Lo mou ndjoye na jo si nzala ti âme ti lo a oue.

Psaume 116:4,8 Tonga so, mbi di iri ti L'Eternel; L'Eternel, mbi voro Mo, sau âme ti mbi. 8 Teti Mo dji âme ti mbi na koui, na le ti mbi na ngoule, Na Mo

bata guele ti mbi si a ti pepe.

Psaume 119:28 Ame ti mbi a ouoko teti voundou ti mbi. Sala si mbi ouara ngangou na legue ti tene ti Mo.

Psaume 120:2 O L'Eternel, Mo sau âme ti mbi na ti ti yanga so a teneouataka, Na menga so a sala tene ti handa.

Psaume 121:7 Fade L'Eternel A bata mo na ya sioye koue, Fade Lo bata âme ti mo.

Psaume 124:7 Ame ti ani a kpe legueoko tonga na ndeke so a si guigui na yason ti jo so a gui lo; A fa' son ni, na ani si guigui aoue.

Psaume 138:3 Na la ni so mbi iri ndo, Mo kiri tene na mbi aoue, Mo oua mbi si âme ti mbi a ouara ngangou.

aProverb 6:32 Jo so a sala langosioni na mbeni ouali, lo hinga ye pepe; Jo so a sala ye tonga so, lo ye ti fouti âme ti lo mveni.

aProverb 22:25 Ouala peut-être fade mo manda legue ti lo, Na fade ye so a ga son ti gbo âme ti mo.

Jérémie 20:13 Sala bia na L'Eternel! i sepala L'Eternel! teti Lo dji fini ti jo so ye a manqué lo na ti ti ajo so a sala sioye.

Jérémie 31:25 Teti fade Mbi kiri ngangou na âme ti jo so a nze, na Mbi kiri ngua na âme koue so a yeke na voundou.

Ezéchiel 13:20,21 Teti tene so, Seigneur L'Eternel A tene tonga so, Ba, Mbi ke ouaraga ti i so i gbo a-âme na ni tonga na so jo a gbo andeke, na fade Mbi sourou ouaraga so na ti ti i; fade Mbi dji a-âme, même a-âme so i gbo ala tonga na so jo a gbo andeke. 21 Fade Mbi sourou bongo ti li ti i nga, na Mbi dji ajo ti Mbi na ti ti i, na fade ala ngba na ti ti i mbeni pepe si i gbo ala; na fade i hinga Mbi yeke L'Eternel.

Matthieu 10:28 I djia mbito ti ala a sala i pepe, ala so a fa' jo mais ala lingbi fa' âme ti jo ni pepe. Mais i kpe mbito ti Lo so A lingbi fouti âme na tele osse koue na ndo-ti-oua.

Matthieu 16:26 Teti tonga na mbeni jo a ouara aye koue ti sesse so, mais lo glissa fini ti lo, fade lo ouara faïda gne. Ouala fade jo a mou gne ti toungbi na fini ti Lo.

Matthieu 22:37 Jésus A tene na lo: A lingbi mo ndoye Seigneur, Nzapa ti mo, na be ti mo koue, na âme ti mo koue, na bibe ti mo koue.

Matthieu 26:38 Tonga so Lo tene na ala, Ame ti Mbi a yeke na voundou mingui, a ga ndoulou ti koui. I ngba na ndo so, i bata ndo na Mbi.

Marc 12:30 Na, A lingbi mo ndoye Seigneur, Nzapa ti mo, na be ti mo koue, na âme ti mo koue, na bibe ti mo koue, na ngangou ti mo koue!

Luc 12:20 Mais Nzapa A tene na lo, Mo boubou, fade mo koui na bi so, na fade jo gne a ouara aye so mo leke aoue.

Luc 21:19 Na legue ti gbo ngangou na be so a nze pepe, fade i bata fini ti i.

Jean 12:27 Fade so be ti Mbi a gui Mbi. Fade Mbi tene gne, Baba, dji Mbi na ya pono ti l'heure so. Mais a yeke teti so si Mbi si na l'heure so.

Koussala ti aBazènguélé 14:22 Ala sala si be ti adisciple a kpingba na ya ye ti Nzapa, ala oua ala ti gbo ngangou la koue na ya mabe. Ala tene, A yeke na legue ti aye mingui ti voundou si fade ani li na ya royaume ti Nzapa.

Koussala ti aBazènguélé 15:24 Tene a si na ani, tene ti ambeni jo ti ani so a gui i na tene na ala yingui be ti i. Ani mou yanga na ala pepe.

1 Corinte - 1 aCorinthien 15:45 Tonga so Mbeti ti Nzapa a tene, Adam, jo ti kodjoni, a ga âme so a yeke na fini. Adam Ti Nda Ni A yeke Yingo so A mou fini.

1 Thessalonique - 1 aThessalonicien 5:23 Na Nzapa ti siriri mveni A bata i nde biani teti Lo mveni; na Lo bata yingo na âme na tele ti i koue si tene oko a yeke na li ti i pepe na la ti singo ti Seigneur ti ani Jésus-Christ.

aHébreu 6:19 ani yeke na bekou so a yeke ndondo ti âme, ndondo so a gbo ngangou na a yingui pepe. Bekou so a li na Ndo Ti Ndjoni Aho Koue so a yeke na peko ti voile.

aHébreu 10:39 Mais ani yeke ti ala pepe so a djia legue ni na a goue na ndo so ye a fouti da, mais ani yeke ti ala so a ma na be na a ouara salut ti âme.

Jacques 1:21 Teti tene so, i djia sioye koue na sioni so a ouou mingui. Na legue ti tâ be ti melengue, i kamata tene so A lou na be ti i aoue, tene so a lingbi ti sau a-âme ti i.

Jacques 5:20 jo so a sala si jo ti siokpari ni a djia legue ti kirikiri ti lo, a dji âme oko na ya koui, na a kanga ndo ti siokpari mingui. *Traduit pour l'Ecole Biblique Baptiste de Sibut*

1 Pierre 1:9 I douti na tâ nguia so jo a lingbi fa nda ni pepe, nguia so a sî na gloire, teti i ouara nda ti mabe ti i, salut ti a-âme ti i.

1 Pierre 1:22 Teti i soukoula a-âme ti i aoue na legue ti sala ye so tene-biani a fa na i, i lingbi ndoye a-ita na tâ ndoye. Tonga so i ndoye a-ita ti i na tâ ndoye na be-biani.

1 Pierre 2:11 I so mbi ndoye i mingui, mbi hounda i mingui, i aouande na ajo ti legue, i ke anzala ti tele so a sala bira na a-âme ti i.

1 Pierre 4:19 Teti tene so, ala so a hou pono na legue ti ye so Nzapa A ye, a lingbi ala ngba ti sala ndjoni, na ala djia a-âme ti ala na ti ti Lo so A créé ye koue, Lo so A yeke Be-Tâ-Jo.

2 Pierre 2:7,8 Lo dji Lot jo ti mbilimbili, lo so be ti lo a so lo mingui mbanga ti ye ti pitain ti ajo ti sioni, 8 teti tonga na jo ti mbilimbili so a douti na popo ti ala a ba na a ma ajo ti pitain na ti kengo-ndia, aye so a sala sana na âme ti lo la na la.

3 Jean 1:2 Mo so mbi ndoye mo mingui, mbi ye ye ti mo koue a ga ndjoni, na ya ye koue. Na mbi ye tele ti mo a douti ndjoni, legueoko tonga na âme ti mo a douti ndjoni.